

vorgeschribin ist, unnd habin om gelaszen 14 st(eine), seint gemessin unnd bhalden 5½ ellin unnde 8 pillen, ein ysserne stange unnd ein eissern slegel, 25 velle ringe unnde ein rammel mit czvein ringin unnd 7 esel.

1074.

1466 März 26

Vereinbarung unter den Erben von Nickel Stange.

fol. 204r Am sonntag Letare anno etc. LXVI^{to} habin dy erbarn vehstin Heinrich von Wydebach, Caspar Lemichin von enphelnisz Hansin Beysicz, der do ein vormunde ist Nickel Stangin verlaszen erbin, bezalt habin dem erbarn vehstin Arnolt von Schonfelsz alsz ein vormunde seiner svestir, Nickel Stangin verlaszin vitvin, bezalt hat am baren gulde hundirt rh. gulden unnde funffundesibenzigk gulden rh. ye 40 gr vor ein gulden, f(aci)t an gelde 1 hundirt ß 16 ß 40 gr. Dowey seint gevest dy erbarn Paul Weiszbach, Wilhelm von Schonfelsz, Lupolt von Rudenicz, dasz sulch bezalunge gescheen ist. Actum coram proconsule Nickel Storm, Herman Mulphort etc. seine kumpan.

1075.

1467 Februar 21

Nickel Vogeler bekennt eine Schuld und verpfändet seine Güter.

fol. 204v ^(a)Nickel Vogeler hat bekant, das er Michel Flegk, seinem stiffson, schuldig ist 99 rh. gulden 20 schildicht gr an seinem veterlichen anfal, das er om bezalin sal zcu mundigin tagin unnd mit allen sein gutern vorphant, das er sich weisz seiner schult doran weisz zcu irholen. Actum sabbato noch invocavit anno LXVII^{mo}.

a) alles durchgestrichen

1076.

1467 Februar 10

Kunz Friessener bekennt eine Schuld und verpfändet seinen Acker.

fol. 204v Kuncz Friessener hat bekant, das er Hanszin Mattel von Leubenicz von seiner swester tochter schuldig ist 54 alt ß swert gr, dy er om verphandt hat mit seynem agkere vor dem Frauwenthore gelegen, ab er om nicht bezalung